

Siulersuisut ataatsimiinnerannit imaqarniliaq Qaqortoq, ulloq 13. aamma 14. april 2013

Peqataasut: Siulittaasoq Bjørn Holm (BH), Siulittaasup tullia Karsten Klausen (KK), Henrik Sørensen (HS), Erna Thomsen (ET), Kamilla Koldbro Fulgsang (KKF), Gerth Lyngø (GL), Peter Magnussen (PM)

Allatsit: NIQ pisortaq Torben Hansen (TH), NIN pisortaq Mette Barslund (MB)

Immikkut ittumik peqataasut: sulisut sinniisaat Peter Rømer (PR), sulisut sinniisaat Susanne B. Rasmussen (SB)

Imaqarniliortoq: Mette Barslund

Qqaluuserisassat akuerineqarnerat

Qqaluuserisassat akuerineqarput ilanngunneqarlutik Aningaasaqarnikkut ilinniarnertuunngorniarniluni ilinniartitaanerup paasissutigineqarnera kiisalu Siunnersuisooqatigiit pillugit paasissutissiineq. Tamatumani saniatigut takornariaqarneq pillugu ilinniartitaanerit pillugit paasissutissiineq kiisalu nalillineq. Ilinniartut ilinniarnermikk maanaannaq unititsisartut killilersimaarniarlugit suleqatigiissitaq pillugu paasissutissiineq.

Siulersuisut kingullermik ataatsimiinnerannit imaqarniliap atsiorneqarnera

Imaqarniliaq februar 2013-meersoq atsiorneqarpoq.

Siulittaasup paasissutissiinera (BH)

Qinersineq pissutaalluni GUP aamma NI, Qaqortup kattunnissaat pillugu sulit allakkatigut tigusaqanngilagut. Pineqartoq pillugu qqaluuserisassaniimmat eqqartorneqaqqissaaq.

Takornariaqarneq pillugu ilinniartitaanerit (TH)

Januar 2013 aallarnerfigalugu Issittumi takornarialerinemik-ilinniartitaaneq aallartinneqarpoq. Ilinniartitaaneq ukiup affaanik sivilissuseqarpoq. Januarimi 20-t ilinniarlutik aallartippat maanaannarlu taamaattitoqalaarsimalluni. Upernaat tamaasa ilinniartitaaneq aallartinneqartassaaq naammassinermilu allagartaartoqassalluni. Ilinniartitaaneq Inuutissarsiutinut ilinniartitaanerup iluaniippoq.

Kiisalu Serviceøkonomitut ilinniartitaaneq neqeroorutigineqarpoq. Ilinniartitaaneq ukiunik marlunnik sivilissuseqarpoq 120 ECTS-inillu pissarsissutaalluni. Ilinniartitaaneq takornarialerinerup iluani allaffissornermut tunnganeruvoq.

Kiisalu NIQ pikkorissaanermik imikkoortortaqaqfiata takornarialerinemik pikkorissaanerpassuit ingerlattarpai; ilaatigut Outfitterinnngorniat, Issittumi ikiueqqaarneq il.il. Kiisalu pilersaarutigineqarpoq issittumi angallassisutut (Guide)ilinniartitaanerup iluani ingerlariaqqiffissat arlallit. Aammattaaq umiarsuarmik angalasunik angallassisutut (Guide) ilinniartitaaneq pillugu NIQ suliffeqarfinnik allanik

suleqateqarpoq. Tammajuitsussarsiniarluni piniarneq pillugu pikkorissaanerup ineriartortinnissaa NIQ-mit sulissutigineqarpoq.

Angallassisutut ilinniartitaaneq/immikkoortoq annerusoq apersuutigineqarpoq. Taamaattoq sullinniakkat ikimmata, suliffeqarfiit nunanit allaneersut suleqatigineqartariaqarput. Suliaq pillugu TH annerusumik misissuissaaq – aamma akuersissutit suut pisariaqartinneqarnersut ilaatigut misissussallugu.

Angusassatut isumaqatigiissut 2014-17 (BH, TH, MB)

Angusassatut isumaqatigiissut 2014-17. Qullersaqarfiup maj-imi ataatsimeeqatiginissaanut piareersarneqarpoq. Ataatsimiinnissaq pillugu qullersaqarfik ima allappoq:

“Maj 2013 (ataatsimut ataatsimeeqatingiinnek innersuussutigalugu) “kissaatit angisuut” pillugit ilinniarsiit ataasiakkaat IIN-imiit oqaloqatigineqarput, naliliinissaq siunertaralugu, tamanna aningaasanut inatsimmut 2014-mut ilanngunneqassanersoq pillugu. Tasaanerussapput sanaartornissamut kissaatit imaluunniit ineriartortitsinissamut suliniutit, ukiuni arlalinni aamma/imaluunniit minnerpaamik arfineq-marlunnik kisitsisitalit, taamaattumillu ilinniarsiit ataasiakkaat kontoinut toqqaannartumik tuttussanngorlugit suliarineqartussaassallutik. Taamatuttaaq angusassatut isumaqatigiissummi “suliniutit angisuut” allat isumaqatigiissutigineqarnissaat uani ujartorpagut.

Angusassatut isumaqatigiissummi ilinniarsinnut marlunnut tunngatillugu takuneqarsinnaassaaq, sanaartornermut tunngasunik iluarsiissutissanik kissaateqartoqarnera. Ilinniarsiit marluk sanaartornermut pitsanngorsaatisatut siunnersuutinik peqarput.

Sanaartukkat kollegiallu amerlasuut ullutsinnut naleqqunnerusut pisariaqartinneqarput aamma ilinniartitaanermi anguniakkatut ilinniakkat piginnaatitsisut 70% tikillugit inuusuttut ilinniarsimasut anguneqassappata.

NIQ: Ilinniarsiup nutaanngitsortaa tamarmi suliffiup avatagiisaasa piumasaqaatai naammassisinnaanngilai, qanorluunniit ilusilersorneqaralaruni. NIQ illoqarfimmi ininik attartornissani perusunngilaa ilaatigut ilinniarsiup igaffia, ilinniartitsinermi init, uumaatsulerinermut ini atuartitsiviusoq, ilinniartitsisut allaffii pitsaasut, timersorfissat pisariaqartinneqarput. Pisariaqartitsineq pillugu misissueqqissaarineq aallaavigineqarsinnaavoq, TNT-mit suliarineqarsimasoq ilaatigut GU-lu kattunnissaq qissimingaangikkaluarlugu. Periarfissaq alla tassaasinnaavoq pisariaqartitsineq assiliartalerneqarluni GU-lu kattunnissamut atatillugu, taamatut aalajangertoqassappat.

Maannakkut kollegiat 50-t nutaat sananeqarput, affai GU-mut affaalu NIQ-mut.

NIN: Pisariaqartitsineq pillugu misissueqqissaarineq TNT-mit suliarineqarpoq ukiut marluk miss. matuma siorna. Annertuumik makku pisariaqartinneqarput, nerisarfik, init atuartitsiviusut anginerit ullutsinnut naleqquttut, pisortatut ilisimatusarfillu kattunnissaq (sulisut tikillutik ataqatigiissumik sulinissaq ilaatigut pissutigalugu aamma aqqissuussaanagerusumik ininik pilersitsinissaq, kiisalu illup iluata silaannalunnera pissutigalugu illup atorsinnaannginnera), aammattaaq innarluutilinnut naleqqunnerusumik pisariaqartitsineq pissutigalugu.

Naliliineq: TH aamma MB pisariaqartitat pillugit allagaqaasiussapput maj-imi ataatsimiinnissamut.

“Matulerisutut pikkorissarneq”: politiit qullersaqarfiat apeqquteqarpoq “Matulerisutut pikkorissarneq” pillugu. Nip pisussaaffiata iluaniippallaanngilaq – INUIIL aperiineqassaaq.

“Imigassat pillugit pikkorissarneq”: Niuertarfimmiunut pikkorissarneq, imigassanik tuniniaasunut – TNIp ilinniartitaaneranut ilannguttariaqaralarpoq niuernermet atatillugu immikkut ilinniagassatut. TH suliaasaq pillugu misissuissaaq.

GU aamma NIQ Qaqortumiittut kattunnissaannut pilersaarutit (BH, TH)

Oqaluuserisassami uani peqataavoq Else Poulsen, rektor GU Qaqortoq.

EP saqqummiuppaa GU, Qaqortoq, ilanngullugu aningaasaqarneq, sulisut, sanaartukkat, ilinniagassatut qinigassat, suliniutit il.il. GU Qaqortup ilaatigut kattunnissaq soqutiginarlutut isigaa. Kattunnerup kingunerissavaa, Qaqortoq ilinniarfimmik angisuunik peqalissamat taamaalilluni soqutigineqarnerulernermik kinguneqarnissaa neriutiginarluni – aamma politikikkut. NIQ aamma GU kattunnermi pitsaaqutinik arlalinnik takusaqarsinnaapput – inissatigut, ilinniartoqarnikkut aamma allaffissorikkut. GUp kissaatigaa, ilaatigut kattunnermi siulersuisut katitingaanerata iluarsivigineqarnissaa imaalillugu sulisut sinniisoqalerlutik immaqalu ilinniarfinit ingerlaqqiffiusunit aamma sinniisoqarluni. Pingaartuuvoq, siulersuisut katitingaaneranni ilinniarfiit fagini assigiinngitsunit tamaneersut sinniisoqarnissaat. Kattunnissaq ilinniarfinit marluusunit tamakkiisumik taperserpeqarpoq suliniutillu ataatsimoorunnissaa ersersinneqarluni.

Inuutissarsiutinut ilinniartitaanerit pillugit inatsisartut inatsisaat naapertorlugu siulersuisut sinniisoqartussaapput sulisut sinniisaannik sumiiffinit tamaneersunit – tassa imaappoq Qaqortumit aamma Nuummit. Taamaattoq ikaarsaarnermik aqqissuussinermi inatsisip, qulakkeerpaa, piffissami aalajangersimasumi ukioq ataaseq tikillugu ilaasortanik allanik peqataasoqarsinnaasoq – assersuutigalugu sulisut sinniisaat GU, Qaqortoq. Aammattaaq ilinniarfinit ilinniaqqiffiusunit ilaasortaq aamma eqqarsaatigineqarsinnaavoq.

Kattunnermi tunuliaqut, pitsaaqutit aamma ajoqutit pillugit qullersaqarfiup allagaa siulersuisunit oqaluuserineqarpoq. Kattunnissaq siulersuisunit taperserpeqarpoq pisortatigoortumillu Naalakkersuisup nalunaaruteqarnissaa utaqqimaarlugu.

Siulersuisut katitigaaneri ilaasortassanillu nutaanik toqqaaneq

Qullersaqarfimmit allagaq naapertorlugu kattuffiit qinigaasinnaatitaasut allannguuteqassanersut pillugit siulersuisut qullersaqarfimmut paasissutissiissapput kingusinnerpaamik ulloq 17. maj.

Siulersuisunut ilaasortat amerlassusaasa amerlineqarnissaat siulersuisunit kissaatigineqanngilaq. Taamaattorli suliniuteqartussanik immikkut ilisimasalinnik ataatsimiititaliornissamut periarfissaqarpoq. Pingaartuuvoq piginnaasaqarluartut siulersuisuni issianissaat.

Namminersorlutik Oqartussat sinnerlugit sinniisup issiaannarnissaanut ajornartorsiuteqarpoq, pineqartoq pisortat suliffeqarfiutaanni angisuunit sinniisaammatt, kisianni sulisitsisunit angisuunit sinniisumik siulersuisuni issiasoqarani. Tamanna pillugu siulersuisunit qullersaqarfik saaffigineqassaaq.

Niuertarfinit angisuunit kiisalu takornarialerisut sinniisoqannginnerat oqaluuserineqarpoq. Kattuffiit toqqakkat sinniisup eqqortup toqqarnissaa aalajangissavaat.

Imaqarniliamat ilanngunneqarpoq, GA isumaqarmat, siulersuisuni sinniisoqarneq equngassuteqartoq, tassami GA aamma NUSUKA tamarmik immikkut marlunnik sinniisoqarmata. GA NUSUKA-mut sanilliullugu sulisitsisunik amerlanerungaartunik tunuliaqutaqarpoq. Tamanna pillugu siulersuisuni isumaqatigiittoqanngilaq.

Kattuffinnut toqqarneqarsinnaasunut siulersuisut allagaqassapput, ilaasortassanik aqqinik nassiusseqqullugit – taakku atit ilinniartoqarfinnut nassiunneqassapput assingilu qullersaqarfimmu nassiunneqarlutik kingusinnerpaamik ulloq 1. august 2013.

Maleruagassat suleriesissallu allannguutaat

Maleruagassat suleriesissallu misissorneqarput kattunnissaq eqqarsaatiginagu, tamannami suli pisortatigut nalunaarutigineqanngilaq.

Inatsisartut inatsisaanni ersinngilaq, siulersuisunut ilaasortat sinniisissaannik toqqaasinnaaneq. Siulersuisunut ilaasortaq tunuarpat, taava kattuffik pineqartoq ilaasortassamik nutaamik toqqaassaaq suleriesissaq ullumikkut atuuttoq naapertorlugu ilaasortaq alla pisinnaatinneqarsinnaanngilaq, kisianni tamanna allanngortinneqassaaq.

Maleruagassanut allannguutissatut siunnersuutit qullersaqarfimmu nassiunneqassapput. Taamatuttaaq suleriesissat assingi qullersaqarfimmu ilisimatitsissutitut nassiunneqassapput. Taakkununga allakani naqissuserneqassaaq ilaatigut kattunneq pissapat allannguuteqaqqikkumaarnerinik.

Kalaallisut oqaasillit qaffassarnissaat

Suleqatigiissitamit ”inuutissarsiutinut ilinniartitaanermi ilinniartut ataasiinnarmik oqaasillit aamma marluinnik oqaasilinnik ilinniartitsisunik pisariaqartsineq” pillugu suliat TH-mit saqqummiunneqarput.

Siulersuisunit kissaatigineqarpoq suli, ataasiinnarmik oqaasillit pikkorissartinnissaat qitiutinneqassasoq, ajornanngippat immikkoortunut aggulukkanut piginnaanermik qaffatitsisut. NIQ Pilersuisoq pikkorissartitsinernik sullippaa; ilaatigut nunaqarfinni niuertutut ilinniartitaaneq.

Siulersuisut aalajangiinissaannut tunngavissanik TH suliaqassaaq maannakkut iliuuserisartakka aamma unamminartut kiisalu siunissami periarfissat aamma unamminartunut aaqqiissutissanik imaqartut. Tamatuma kingorna siulersuisut aalajangiissapput.

Suliffimmik sungiusartunut akisussaasut pikkorissartinnissaat aamma periarfissaasinnaavoq, suliffeqarfiit mikisut sumiiffinniittut ilinniartunik tiguisarnissaat qulakkeerniarlugu, ajornanngippat augustimi ilinniarnarup aallartinnissaa sioqqullugu. Aammattaaq suliffeqarfiit anginerusut kissaatigaat ilinniartunut akisussaasut aamma suliffimmik sungiusartunut akisussaasut pikkorissartinneqarnissaat. Isumasioqatigiissitsineq/pikkorissarnerup piviusunngortinneqarsinnaanera pillugu MB-mit periarfissat piaartumik misissorneqassapput.

Siulersuisut naliliinerat

Namminneq iluminni tunngasunik naliliineq

Illuminnut tunngasunik naliliineq pivoq siulersuisut eqimattanut pingasunut aggulullugit. Inerteri eqimattanit saqqummiunneqarput siulersuisunut tamarmiusumut.

Siunnersuutigineqarpoq, immikkut ataatsimeeqataasut peqataatinnagit siulersuisut matoqqasumik ataatsimiittarnissaat. Tamanna ilalerneqanngilaq.

Siunnersuutigineqarpoq, ataatsimiinnerit ilai Nuup aamma Qaqortup avataani ingerlanneqartarnissai.

E-forum-imi attaveqaatigut pitsaasorujussuupput. Pingaartuuvoq, atortussanik nassitsisinnaanermut periarfissaqarnissaq – aamma ataatsimiinnissaq ullunik 14-inik sioqqullugu. Soqutiginarlut ilai piffissami pineqartumi saqqummiutipallaannarneqartarput. Ataatsimiinnermi aalajangiisoqartuaannangilaq – oqaluuserisassat ilai ataatsimiinnissamut allamut kinguartinneqartarput.

Piffissamut ungasinnerusumik pisussanut, aaqqissuussaaneermut aamma ineriartortitsinermut tunngasut qitiutinneqarneri amigaataavoq – suliassat massakkut suliarineqartussat annertuumik qitiutinneqarput – ingammik aalajangiiniarnermi toqqammavissat naatsumik nassuiaasersoqarneqarsimasut, pitsaaqutit aamma ajoqutit kiisalu ilinniarsiup inassuteqaataa. Siulersuisut suleqatigiissitatut namminersortutut ingerlapput. Ammasuupput ataqqeqatigiillutillu. Siulersuisut amigaatingaat pingaarutilinnik suliaqarnissaq kiisalu avammut saqqumilaartuunissaq. Siulersuisut suliassarai siullertut ilinniarsiup soqutigisai.

Oqallinnerit annertupput naalisaanerit atorineqarlutik kiisalu oqariartaatsit ilinniartitaaneermut tunngasut atorineqarlutik. Annerusumik nassuiaasoqarsinnaavoq kiisalu oqaluuserisassat inernerisa saqqummiunneqarnissaat qitiutinneqarluni. Siunnersuutigineqarpoq, siulersuisut ataatsimiinneri tamaasa suliniummik aalajangersimasumik qitiutitaqartassasoq: assersuutigalugu ilinniartitaanerup ineriartortinneqarnera, pitsaassuseq, aqutsineq aamma suliffeqarfik imaluunniit aningaasaqarneq.

Avataanut tunngasunik naliliineq

Avataanut tunngasunik naliliinissamut periuseq pillugu qullersaqarfik nalunaarusiamik saqqummerumaartussamik suliaqarpoq. Inerneria ataatsimut ataatsimiinnissamut saqqummiunneqassaaq nalunaarusiarlu siulersuisunut nassiunneqassalluni. BH oqaaseqartinneqarsimavoq.

Aningaasaqarneq pillugu ilinniarnertuunngorniarluni ilinniartitaaneq

Aningaasaqarneq pillugu ilinniarnertuunngorniarluni ilinniartitaaneq pillugu MB paasissutissiivoq. Aalajangiinissamut toqqammavissat naatsumik nassuiaaserneqarneqarsimasut, pitsaaqutit aamma ajoqutit kiisalu ilinniarsiup inassuteqaataa il.il. MB-mit siulersuisunut nassitsissaq. Tamatuma kingorna siulersuisut aalajangiissaapput.

Tamatumunnga atatillugu TH ilinniartitaanermik kissaateqarpoq.

Ilinniartunik ilinniarnerminnik maanaannaq unititsiinnartartunik suliniuteqarneq

Nuna tamakkerlugu ilinniartunik siunnersuisussanik inatsisartut kissaateqarput, taakkulu nunap immikkoortuani ataqqatigiissaarusinnaallutik. Maanaannaq ilinniarnerminnik unititsiinnartartut akiorniarlugit ukiut tamaasa 6 mill. aningaasaliissutigineqartarput. Taamaallaalli 2 mill. miss. atorineqarsimapput. Tamanna pillugu ilinniarsiut paasissutissanik tunineqassapput kaammattorneqarlutillu suliniutinut assigiinngitsunut aningaasaliissutissanik qinnuteqaqqullugit.

Illup iluani avataanilu attaveqaatigiinneq

Naliliinerit inernerit MB-mit katersorneqariarlutik siulersuisunut nassiunneqassapput.

Siulersuisut siunnersuutigerusuppaat, siulersuisut iluminni pikkorissarnissaat sulissutigineqassasoq 1. september-ip kingorna pisussanngorlugu.

Tullianik ataatsimiinnissap aalajangernerera

Siulersuisut tullianik ataatsimiissapput ulloq 31. august aamma 1. September Kangerlussuarmi. Tullianik ataatsimiinnissamut Retail-ilinniartitaaneq pillugu oqaluuserisassanut ilanngunneqassaaq. Aammattaaq NIQ aamma GU Qaqortumi atugarissaarneq pillugu misissuisimaneq tullianik ataatsimiinnissamut oqaluuserisassanut ilanngunneqassaaq.

Bjørn Holm

Karsten Klausen

Henrik Sørensen

Erna Thomsen

Kamilla K. Fulgsang

Peter Magnussen

Gerth Lyngø

Susanne B. Rasmussen

Peter Rømer

Torben Hansen

Mette Barslund